

СЕПТЕМВРИЯ 8-ГО ДЕНЬ.

РОЖДЕСТВО ПРЕСВЯТЫЯ БОГОРОДИЦЫ.

НА МАЛЕЙ ВЕЧЕРНИ

СТИХИРЫ НА 4, ГЛАС 1.

Подобен: Небесных чинов:

Иоаким и Анна торжествуют, / Начаток рождше нашего спасения, / Едину Богородицу, / с нимиже и мы празднуем днесь, / от корене онаго Иессеева, / блажаше Деву Чистую.

От Анны днесь Цвет, / Сад Богоданный, / Богородица прозябе спасение человек, / из Неяже всех Зиждитель рождся паче ума, / Адамову очищает, яко Благ, / всю скверну благостию.

Кто довольно по достоинству пети возможет, / от Анны неизреченно младенствующую Деву; / горы убо и холмы сладость искапайте днесь: / всех бо Жизнь и Очищение млеком питается, / Богородица Чистая.

Иже прежде неплодная страна, / Землю плодоносну раждает: / и от неплодных утробы Плод свят давши, / млеком питается. / Чудо страшно, / Питательница жизни наша, / яже Небесный Хлеб во чреве приемши, / млеком от сосцу питается.

Слава, и ныне, глас 4:

Всечестное Твое Рождество, / Пресвятая Дево Чистая, / Ангелов множество на Небеси, / и человеческий род на земли ублажаем: / яко Мати была еси Творца всех Христа Бога. / Того молящи о нас не престай молимся, / иже на Тя по Бозе упование положших, / Богородице Всепетая и Неискусобрачная.

На стиховне, стихиры, глас 2.

Подобен: ДOME Ефвравов:

Радуйтесь, Иоакиме и Анно, / радуйтесь, яко радости / и спасения Ходатаица, / от неплодове Дева, / нам раждается.

Стих: Слыши, Дщи, и Виждь, и приклони ухо Твое.

Ты Едина земных / показала еси спасение, / яко рождши Слово, / паче слова и естества: / тем Тя ублажаем.

Стих: Лицу Твоему помолятся богатии людстии.

Отложи Адаме и Ево, / всяку печаль: / Мати бо Радости / от неплодове / преславно прозябает днесь.

Слава, и ныне, подобен тойже:

Храм Божий, / Едина Богородица, / от неплодове / и нераждающия происходит: / и радуется Адам, взывая.

Тропарь, глас 4:

Рождество Твое Богородице Дево, / радость возвести всей вселенной: / из Тебе бо возсия Солнце Правды Христос Бог наш, / и разрушив клятву, даде благословение, / и упразднив смерть, дарова нам живот вечный.

НА ВЕЛИЦЕЙ ВЕЧЕРНИ

стихологисуем, Блажен муж, 1 антифон.

На Господи, воззвах, стихиры на 3,

Глас 6, самогласны. Сергия патриарха:

Днесь Иже на разумных Престолах почиваяй Бог, / Престол свят на земли Себе предуготова: / утвердивый мудростию Небеса, / Небо одушевленное человеколюбием содела: / от неплоднаго бо корене, / Сад живоносен израсти нам, / Матерь Свою, Иже чудес Бог, / и ненадеющихся Надежда, / Господи, слава Тебе.

Сей день Господень, радуйтесь, людие: / се бо Света чертог, / и Книга Слова Животнаго, / из утробы произыде. / И иже к востоком дверь рождися, / ожидает входа Святителя Великаго, / Едина и Единаго / вводящи Христа во вселенную, / во спасение душ наших.

Аще и Божественным хотением, / светлыя неплодны жены прозябоша, / но всех Мариа рожденных боголепно превозсия: / яко от неплодныя преславно рождися Матере, / породи плотию всех Бога, / паче естества от безсеменныя утробы: / Едина Дверь, Единороднаго Сына Божия, / Юже прошед заключенну сохрани, / и вся мудре устроив, / яко весть Сам, всем человеком спасение содела. *Дважды.*

Стефана Святоградца:

Днесь неплодная врата отверзаются, / и Дверь девическая Божественная предгрядет. / Днесь Плод раждати благодать начинает, / являючи міру Божию Матерь, / Еюже земная с небесными совокупаются, / во спасение душ наших. *Дважды.*

Днесь всемірныя радости провозвещение, / днесь возвеша ветри, спасения провозвестницы, / естества нашего разрешается неплодство: / неплоды бо мати показуется, / Девствующия и по Рождестве Зиждителеве, / из Неяже чуждее присвоает иже естеством Бог, / и заблуждшым плотию спасение содевает, / Христос Человеколюбец, / и Избавитель душ наших.

Днесь неплодная Анна раждает Богоотроковицу, / от всех родов произбранную / в Жилище всех Царя, и Зиждителя Христа Бога, / во исполнение Божественнаго смотрения: / Имже наздахомся земнороднии, / и обновихомся, / от тли к жизни неконечней.

Слава, и ныне:

Днесъ Иже на разумных Престолах почиваяй Бог, / Престол свят на земли Себе предуготова: / утвердивый мудростию Небеса, / Небо одушевленное человеколюбием содела: / от неплоднаго бо корене, / Сад живоносен израсти нам, / Матерь Свою, Иже чудес Бог, / и ненадеющихся Надежда, / Господи, слава Тебе. Вход. Прокимен дне. И чтения три.

Таже Свете Тихий: Вход. Прокимен дне и чтения три.

Αὐτὸς ÷ τὰ ἰεῦ

И ѿиде іакввъ ѿ клѣдѣзѣ клѣтвеннагѡ и ѿде въ харранъ, и ѡврътѣ мѣсто и оῦспе тамъ, зайде во солнце: и взѣ ѿ каменїа мѣста (тогѡ) и положи въ возглавіе себѣ, и спѣ на мѣстѣ Ѧнѣмїѣ. **И** сонъ видѣ: и сѣ, мѣствица оῦтверждѣна на землїи, ѣже глава досазѣше до небесѣ, и ѡг҃ли вѣїи восхождѣхѡ и низхождѣхѡ по нѣй: гдѣ же оῦтверждѣшесѧ на нѣй и рече: ѡзъ ѣсмь бг҃ъ авраѡма Ѧтца твоегѡ и бг҃ъ ісаѡка, не бойсѧ: землѧ, и дѣже ты спїши на нѣй, тебѣ дамъ ю и сѣмени твоємѡ: и вѣдетъ сѣмѧ твоѣ іакѡ песѡкъ земный, и распространїтсѧ на морѣ, и лївѡ, и сѣверъ, и на востоки: и благословѣтсѧ ѡ тебѣ всѧ колѣна земнѡа и ѡ сѣмени твоємѡ: и сѣ, ѡзъ ѣсмь съ тобою, сохрѡнѡаи тѧ на всѧкомъ пѣтїи, ѡможе ѡще пойдѣши, и возвращѣ тѧ въ зѣмлю сїю: іакѡ не ѡмамъ тебѣ ѡстѡвити, дѡндеже сотворїти ми всѧ, ѣлика глѡхъ тебѣ. **И** воста іакввъ ѿ сна своегѡ и рече: іакѡ ѣсть гдѣ на мѣстѣ сѣмїѣ, ѡзъ же не вѣдѣхъ. **И** оῦвоѡсѧ и рече: іакѡ страшно мѣсто сїѣ: нѣсть сїѣ, но дѡмъ вѣїи, и сїѧ врата нѣнаѧ.

Ἐσαêèèèèâââ ÷ τὰ ἰεῦ

И скончѡютъ сѣдмь днїѣ, и вѣдетъ ѿ Ѧсмагѡ днѣ и потѡмъ, сотворѣтъ жерцы на жертвенницѣ всесожжѣнїѧ вѡша и ѡже спасѣнїѧ вѡшегѡ: и прїимѣ вы, глѣтъ гдѣ. **И** ѡвратїи мѧ на пѣтъ вратъ стѣхъ внѣшнихъ, зрѣшихъ на востоки: и сїѧ вѣхѡ затворѣнна. **И** рече гдѣ ко мнѣ: сїѧ врата заключѣнна вѣдѣтъ и не ѡвѣрзѡтсѧ, и никтоже прѡйдетъ ѡни: іакѡ гдѣ бг҃ъ ѡїлевъ внїдетъ ѡни, и вѣдѣтъ заключѣнна. Занѣ старѣйшина сѣѣ сѣдетъ въ нїхъ ѡсти хлѣбъ прѣд гдѣемѣ: по пѣтїи ѣлама вратъ внїдетъ и по пѣтїи ѣгѡ изыдетъ. **И** введѣ мѧ по пѣтїи вратъ ѡже къ сѣверѡ, прѡмѡ храмѡ: и видѣхъ, и сѣ, полнъ славы дѡмъ гдѣень. **И** падѡхъ нїцъ на лицѣ моѣмѣ.

Ἰδαìöäðĩñòè Ñĩëïïíîââ ÷ τὰ ἰεῦ

Премѣдрость созда севѣ до́мъ и оутверди столпѡвъ седмь: закла своѡ жѣртвеннаѡ, и раствори въ чаши своѣй вѣно, и оуготова своѡ трапѣзѡ: посла своѡ рабы, созывающи съ высокими проповѣданіемъ на чашѡ, глаголющи: ѡже ѣсть безъменъ, да оуклонитса ко мнѣ. **И** трѣвѣдующимъ оумѡ рече: прїидіте, їадіте мой хлѣбъ и пїйте вѣно, ѣже растворихъ вамъ: ѡста́вите безъміе и живи вѣдете, да во вѣки воцаритса: и взыщїте рѡзми, да поживетѣ и исправите рѡзмѣ въ вѣдѣнїи. **Наказѡ** ѡмъ ѡбличїи прїиметъ севѣ безчестїе, ѡбличїи же нечестїваго порѡчна сотворитъ себѣ (ѡбличїи бо нечестївои рѡны ѣмѡ). **Не** ѡбличїи ѡмъ, да не возненавидѡтъ тебѣ: ѡбличїи премѣдра, и возлюбитъ тѡ. **Дѡждь** премѣдромѡ винѡ, и премѣдрѣишїи вѣдетъ: сказѡи прѣвнои, и приложитъ прїимати. **Начѡ** премѣдрости страхъ гдѣнь, и совѣтъ стѣхъ рѡзмѣ: рѡзмѣти бо законъ, помысли ѣсть благѡгѡ. **Сїи** бо ѡбразомъ многое поживѣши времѡ, и приложитса тебѣ лѣта живота твоегѡ.

На стиховне, глас 4.

Всемирная радость / от праведных возсия нам, / от Иоакима и Анны, Всепетая Дева: / яже премногия ради чистоты Храм Божий / одушевленный бывает, / и Единая воистинну Богородица познавается. / Тоя молитвами Христе Боже, / мир міру низпосли, / и душам нашим велию милость.

Стих: *Слыши, Дщи, и виждь, и приклони ухо Твое.*

Ангеловым проречением, / Плод пречист от Иоакима и Анны, / праведников днесь произыде Дево, / Небо и Престол Божий, / и приятелище Чистоты, / радость провозвещающе всему міру. / Живота нашего Ходатаице, / клятвы отъятие, / благословения подание. / Тем в Рождестве Твоем, Дево Богозванная, / міру мир испроси, / и душам нашим велию милость.

Стих: *Лицу Твоему помолятся богатии людстии.*

Неплоды безчадная Анна, / днесь руками да воспещет светло, / да светлосыят земная, / царие да играют, / святителие во благословениих да веселятся, / да празднует весь мір: / се бо Царица и Непорочная Невеста Отца / от корене Иессеева прозябе. / Ктому жены в печалех не родят чад: / Радость бо процвете, / и Живот всем человеком в міре жительствоует. / И ктому дары Иоакимовы не возвращаются, / рыдание бо Анны в радость преложися: / радуйтса мнѣ, глаголющи, весь избранный Израиль. / Се бо даде ми Господь Одушевленную Палату / Божественныя славы Его, / во общее веселие и радость, / и спасение душ наших.

Слава, и ныне:

Глас 8. Сергия Патриарха:

Приидите вси вернии, к Деве тецем: / се бо раждается, яже прежде чрева / предвиденная Бога нашего Мати, / девства Сосуд, Ааронов прозябший Жезл от корене Иесева, / пророческое проповедание, / и праведных Иоакима и Анны прозябение. / Раждается убо, и мир с Нею обновляется. / Раждается, и Церковь во свое благолепие украшается. / Храм святой Божества приятелище, / девственный Сосуд, царский Чертог: / в Немже преславное неизреченнаго / соединения сошедшихся во Христа естеств / совершенное содеяся таинство. / Емуже покланяющися, / воспевает Девы Всенепорочныя Рождество.

На благословении хлебов тропарь:

Тропарь, глас 4:

Рождество Твое Богородице Дево, / радость возвести всей вселенной: / из Тебе бо возсия Солнце Правды Христос Бог наш, / и разрушив клятву, даде благословение, / и упразднив смерть, дарова нам живот вечный.

НА УТРЕНИ,

на Бог Господь тропарь праздника трижды.

По 1-й стихологии седален, глас 4.

Подобен: Удивися Иосиф:

Возопий Давиде, / что клятся тебе Бог; / яже мне клятся, рече, и исполни уже: / от плода чрева моего давай Девицу, / из Неяже Содетель Христос, новый Адам, / родися Царь на престоле моем: / и цаствует днесь, / имеяй Царство недвижимо. / Неплоды раждает Богородицу, / и Питательницу жизни нашея.

Слава, и ныне, тойже. И чтение праздника.

По 2-й стихологии, седален, глас 4.

Подобен: Удивися Иосиф:

От корене Иессеева, / и от чресл Давидовых, / Богоотроковица Мариам раждается днесь нам, / радостию бо радуются всяческая и обновляются. / Срадуйтеся купно Небо и земля: / восхвалите Ю отечествия язык: / Иоаким веселится, и Анна торжествует, зовущи: / неплоды раждает Богородицу, и Питательницу жизни нашея.

По полиелеи седален, глас 8.

Подобен: Повеленное тайно:

Да радуется Небо, / и земля да веселится: / Божие бо Небо на земли родися Богоневестная Сия, / от обетования. / Неплоды Младенца доит Марию, / и радуется о рождестве Иоаким: / Жезл, глаголя, родися мне, из Негоже Цвет Христос прозябе, / из корене Давидова. / Воистинну чудо преславно.

Слава, и ныне, глас тойже:

Обновися Адаме, радуйся Ево, / веселися Давиде, / благодушествуй Анно: / ибо Мати Зиждителя твоего раждается преславно, / ликует обновльшися вся земля, / и радуется одеяна во одежду: / всяк язык ликуя да вопиет Марии: / блажен дом Давидов, / яко питает Питательницу жизни нашея.

И чтем слово Григория иеромонаха.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящии Сиона, / посрамитесь от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен, глас 4:

Помяну Имя Твое во всяком роде и роде.

Стих: Отрыгну сердце мое слово благо.

Всякое дыхание да хвалит Господа.

Стих: Хвалите Бога во святых Его:

Евангелие Луки, зачало 4.

Во время оно: **В**оставши же мрѣямь во дни тѣмъ, иде въ гóрнѣмъ со тѣмъ, во градъ іѳдовъ: и вниде въ домъ захарїинъ и цѣловѣ елісавѣтъ. **И** бысть ѣкѡ оуслыша елісавѣтъ цѣлованіе мрѣино, възгрѣса младенецъ во чрѣвѣ еѣ: и испóниса дхѣмъ стѣ елісавѣтъ, и возопи гласомъ великимъ, и рече: блгвѣна ты въ женѣхъ, и блгвѣнъ плодъ чрева твоегò: и ѡкъдѡ мнѣ сѣ, да прїидетъ мѣи гдѣ моегò ко мнѣ; сѣ бо, ѣкѡ бысть гласъ цѣлованїѣ твоегò во оушїю моею, възгрѣса младенецъ радощами во чрѣвѣ моемъ: и блженна вѣровавшаѣ, ѣкѡ вѣдетъ совершеніе глгòланнѣмъ ѣи ѡ гдѣ. **И** рече мрѣямь: величитъ дшѣ моѣ гдѣ, и возрадѡваса дхѣмъ мой ѡ вѣѣ спсѣ моемъ: ѣкѡ прирѣ на смиренїе рабы своеѣ: сѣ бо, ѡнѣмъ оублажатъ мѣ всѣ роди: ѣкѡ сотвори мнѣ величїе сильный, и стѣ имѣ егò: **Превысть** же мрѣямь съ нѣю ѣкѡ три мѣи и возвратїса въ домъ свой.

По 50-м псалме,

Слава: Молитвами Богородицы, Милостиве, очисти множества согрешений наших.

И ныне: Молитвами Богородицы, Милостиве, очисти множества согрешений наших.

И поем: Помилуй мя Боже:

И стихира праздника, глас 6:

Сей день Господень, / радуйтесь, людие: / Се бо Света Чертог, / Книга Слова Животнаго, / из утробы произыде, / и яже к Востоком Дверь рождшися, / ожидает входа Святителя Великаго, / Едина и Единаго вводящи Христа во вселенную, / во спасение душ наших.

Канона два, ирмосы обоих канонов по дважды, тропари же их на 12.

Канон первый, творение Кир Иоанна.

Глас 2.

Песнь 1. Ирмос:

Грядите людие, / поим песнь Христу Богу, / раздельшему море, и наставльшему люди, / яже изведе из работы египетския, / яко прославися.

Грядите вернии, Духом Божественным радующеся, Юже от неплодове днесь пришедшую, человек на спасение, Приснодеву Отроковицу песньми почтим.

Радуйся Чистая, Мати и рабо Христа Бога, Яже Первому Ходатаица блаженству человеческий род Тя, вси достойно песньми славим.

Жизни раждается днесь Мост, Имже человецы воззвание падения, еже от ада обретшии, Христа Жизнодавца песньми прославляют.

Ин канон, Кир Андреа, глас 8.

Песнь 1. Ирмос:

Сокрушившему брани мышцею Своею, / и проводшему Израиля сквозе Черное море, / поим Ему ко Избавителю нашему Богу: / яко прославися.

Да ликовствует вся тварь, да веселится же и Давид: яко от колена и от семени его произыде Жезл, Цвет носящи Господа, Творца всяческих.

Святая святых, во святем святилици Младенец возлагается воспитатися от руки ангеловы: вси убо верно спразднуим в Рождестве Ея.

Неплоды нераждающая Анна, но не безчадна Богу: се бо пронаречеса от родов Чистая Дева Мати. Темже естества израсти Зиждителя в рабии образе.

Тя незлобивую Агницу, Агнца Христа, Младенца от чрева Твоего приведшую в ныне существо вси, от Анны рожденную Тя, песньми почитаем.

Троицен: Три Безначальна славлю, Три Свята пою, Три Соприсносушна в Существе Едином проповедую: Един бо во Отце, и Сыне, и Дусе, славословится Бог.

Богородичен: Кто виде отроча, егоже не всея отец, млеко питаемое; или где видена бысть дева мати; истинно паче ума обоя, Богородительнице Чистая.

Катавасия: Крест начертав Моисей, впрямо жезлом Черное пресече, / Израилю пешеходящу, / тоже обратно фараоновым колесницам ударив совокупи, / вопреки написа непобедимое оружие. / Тем Христу поим Богу нашему, / яко прославися.

Песнь 3. Ирмос:

Утверди нас в Тебе, Господи, / дровом умерщвлей грех, / и страх Твой всади в сердца / нас поющих Тя.

Непорочно Богу пожившии, всех родисте Спасение, Богомудрии родителе, Зиждителя рождшия и Бога нашего.

Всем жизнь источай Господь, от неплодове произведе Деву, в Ньюже вселитися изволи, и по Рождестве сохранив нетленну.

Аннин плод, Марию, днесь, Грозд Рождшую живоносный, яко Богородицу воспоим, Предстательницу же всех и Помощницу.

Ин. Ирмос:

Утвердися сердце мое во Господе, / вознесся рог мой Бозе моем, / разширишася на враги моя уста моя, / возвеселихся о спасении Твоем.

Воспитавшися во Святая святых, Дево Пречистая Богородице, вышши явилася еси твари, Зиждителя плотию породдши.

Благословено чрево Твое целомудренная Анно, Плод бо израстила еси девства, Юже безсеменно Питателя твари Рождшую и Избавителя Иисуса.

Тя блажит Приснодево, вся тварь, от Анны днесь рождшуюся, от корене Иессеева Жезл Пречист Цвет, Христа израстившую.

Тя высшую всея твари Богородице, показуя Чистая, Сын Твой, еже от Анны величит Твое Рождество, и всех веселит днесь.

Троичен: Тебе поклоняемся, Отче, Безначальне Существом, поем Безлетнаго Сына Твоего, и чтем Соприсносущнаго Духа Твоего, яко Единого Трое естеством Бога.

Богородичен: Светодавца и Начальника жизни человеческия, рождшая Чистая Богородице, явилася еси Сокровище жизни нашея, и Дверь неприступнаго Света.

Катавасия: Жезл во образ тайны приемлется, / прозябением бо предразсуждает священника, / неплодящей же прежде Церкви, / ныне процвете древо Креста, / в державу и утверждение.

Седален, глас 4.

Подобен: Удивися Иосиф:

Дева Мариа и Богородица истинно, яко облак света днесь возсия нам, и от праведных предгрядет в славу нашу. Не ктому Адам осуждается, и Ева от уз свободися, и сего ради зовем вопиюще со дерзновением Единой Чистой: радость возвещает Рождество Твое всей вселенней.

Слава, и ныне, тойже.

Песнь 4. Ирмос:

Услышах Господи, / слух Твоего смотрения, / и прославих Тя, / Едине Человеколюбче.

Воспеваем Тя Господи, верным спасительное Пристанище подавшего всем, Тебе рождшую.

Тя Богоневесто, похвалу всем Христос яви и державу, поющим верно Твое таинство.

Неискусобрачная Владычице, Твоими молитвами избавляеми прегрешений, благоразумно вси Тя ублажаем.

Ин. Ирмос:

Пророк Аввакум, умныма очима / провиде Господи, / пришествие Твое, тем и вопияше: / от юга придет Бог. / Слава силе Твоей, / слава низхождению Твоему.

Патриарх Иаков, провидев, Спасе, величия ясно строения Твоего, вопияше Духом, ко Иуде глаголя тайно: от леторасли возшел еси Сыне мой, возвещая Тя от Девы Бога.

Ныне Жезл Ааронов, от корене Давидова прозябший, ныне Дева Чистая происходит: и сликовствует небо и земля, и вся отечествия языков, и Анна и Иоаким таинственно.

Ныне да веселится небо, да радуется же земля, и да ликуют Иоаким и Давид. Ов убо яко родитель Твой, истинно Рождшия Бога: ов же яко праотец Твой, проповедая Твоя величества, Чистая.

Срадуется Тебе днесь, богомудренная Анно, вселенная: Избавителя бо тоя Мать процвела еси, Юже от корене прозябшую Давидова, Жезл Силы нам носящую Цвет, Христа.

Троицен: Славлю Безначальна Бога, Отца и Сына и Святаго Духа, Единосущную Троицу Несозданную, Ейже предстоят Серафими благоговейно, зовуще: Свят, Свят, Свят еси Боже.

Богородичен: Пребезначальное Начало начало приемлет из Тебе, Богородительнице, плотским временем, и пребывает собезначально, и воплощься Слово Отчее, и Духу соприносущное, сохраняя Божественное достоинство.

Катавасия: Услышах Господи, / смотрения Твоего таинство, / разумех дела Твоя, / и прославих Твое Божество.

Песнь 5. Ирмос:

Сеннописанный мрак гаданий разорив, / и верных прибытием истины, / Богоотроковицею озарив сердца, / и нас светом Твоим Христе, / настави.

Воспоим людие всех Вину, сущаго по нам быти Виновнаго: Еяже образу радовахуся сподобляеми пророцы, явленное спасение от Тоя плодяще.

От суха прозябение жезла иереева, Израилю показа проразсуждение: и ныне светлость прозябших преславно светит, от неплодове всеславное Рождение.

Ин. Ирмос:

Господи Боже наш, мир даждь нам, / Господи Боже наш стяжи ны, / Господи, разве Тебе иного не вемы, / Имя Твое именуем.

Пречистое Твое Рождество, Дево Непорочная, несказанное, и зачатие неизглаголанно и рождение Твое, Невесто Невестная: Бог бо бе весь в мя облекийся.

Днесь да веселятся ангельстии чини, песньми да ликуют сущии из Адама: родися бо Жезл, Цвет возрастивший Христа Единаго, Избавителя нашего.

Днесь Ева разрешается осуждения, разрешается же и неплодство, и Адам древния клятвы, о Рождестве Твоем: Тобою бо от тли избавихомся.

Слава Тебе прославльшему неплодную диесть: роди бо Жезл присноцветущий от обещания, от Негоже прозябе Христос, Цвет жизни нашея.

Троичен: Слава Тебе, Отче Святый, Боже Нерожденне: слава Тебе, Сыне Безлетне, Единородне: слава Тебе, Душе Божественный и Сопрестольный, от Отца происходяй, и в Сыне пребываяй.

Богородичен: Бысть чрево Твое Солнца носило: пребысть чистота Твоя якоже прежде невредима, Дево: Христос бо Солнце, яко от чертога Жених, явися из Тебе.

Катавасия: **О** Треблаженное древо, / на немже распяся Христос, Царь и Господь. / Имже паде древом прельстивый, / тобою прельстився, / Богу пригвоздившуся плотию, / подающему мир душам нашим.

Песнь 6. Ирмос:

Ко Господу от кита Иона возопи: / Ты мя возведи из глубины ада, / молюся, да яко Избавителю, / во гласе хваления, / истины же духом пожру Тебе.

Ко Господу в скорби неплодства возопиша, Богоматере Богомудрии родители, и Сию в роды родов родиша, на общее спасение и похвалу.

Прияша небесный Дар от Бога достоин, Богоматере Богомудрии родители, самех Херувимов превышшее Носило, Слова и Зиждителя Родительницу.

Ин. Ирмос:

Яко воды морския, Человеколюбче, / волнами житейскими обуреваюся, / темже яко Иона, / тако вопию Ти: / возведи от тли живот мой, благоутробне Господи.

Святую святых сущу, целомудреннии родители Твои Чистая, возложиша Тя в храме Господни воспитатися честно, и уготоватися в Матерь Ему.

Неплоды и матери ликуйте, дерзайте и играйте безчадныя: безчадна бо неплоды Богородицу прозябает, яже избавит от болезней Еву, и клятвы Адама.

Слышу Давида поюща Тебе: приведутся Девы во след Тебе, приведутся в храм Царев. И с ним Тя и аз, Дщерь Цареву, воспеваю.

Поем святое Твое Рождество, чтим и непорочное зачатие Твое, Невесто Богозванная и Дево: славят же с нами Ангелов чини, и святых души.

Троицен: В Тебе Троическое таинство поется, и славится Чистая: Отец бо благоволи, и Слово вселися в Тя, и Божественный Дух Тебе осени.

Богородичен: Златая Кадильница была еси, Огнь бо во утробе Твоей вселися, Слово от Духа Свята, и человеческим зраком в Тебе видеса, Богородительнице Чистая.

Катавасия: Воднаго зверя во утробе, / длани Иона крестовидно распростер, спасительную страсть проображаше яве. / Тем тридневен изшед, премірное воскресение прописаше, / плотию пригвожденнаго Христа Бога, / и тридневным воскресением мiр просвещашаго.

Кондак, глас 4:

Иоаким и Анна поношения безчадства, / и Адам и Ева от тли смертныя свободистася, / Пречистая, во святем Рождестве Твоем. / То празднуют и людие Твои, / вины прегрешений избавльшеся, / внегода звати Ти: / неплоды раждает Богородицу и Питательницу жизни нашея.

Икос:

Молитва купно и воздыхание, неплодства и безчадства, Иоакима же и Анны благоприятное, и во уши Господни вниде, и прозябе Плод живоносен мiру. Ов бо молитву на горе творяше: ова же в саде поношение ношаше: но с радостию неплоды раждает Богородицу, и Питательницу жизни нашея.

Песнь 7. Ирмос:

Купина в горе огненеопальная, / и росоносная пещь халдейская, / яве предписа Тя, Богоневесто, / Божественный бо Невещественный в вещественном чреве, / Огнь неопально прияла еси. / Темже из Тебе Рождемуся поем: / благословен еси Боже отец наших.

Твое в вещественных явлениях законоположник возбранися разумети, и великое, Пречистая, таинство, не мудрствовати земноревностная образно наказуемь иногда. Темже удивлься чудеси, глаголаше: благословен Бог отец наших.

Гору и Дверь Небесную, и мысленную Тя Лествицу Боголепно лик Божественный пронарече: от Тебе бо Камень отсечеса не руками мужескими, и Дверь Еюже пройде Господь, Иже чудес Бог отец наших.

Ин. Ирмос:

Халдейская пещь огнем распалаемая, / орошашеся Духом, / Божии предстоянием, отроцы пояху: / благословен еси, Боже отец наших.

Празднуем, Чистая, и верно поклоняемся святому Твоему Рождеству, поюще Сына Твоего, Имже избавихомся древняго Адамова ныне осуждения.

Ныне Анна веселится, и вопиет хвалящися: неплоды сущи родих Божию Матерь, Еяже ради осуждение Евино разрешися, и яже в печалех болезнь.

Адам свободися, и Ева ликует, и вопиют духом к Тебе, Богородице: Тобою избавихомся первородныя клятвы явльшуся Христу.

О, чрево, вместившее Божие Селение! О утробо, носившая небес Ширшую, Престол святей, мысленный Кивот Священия.

Троичен: Отца прославим, Сына, и Духа, во Единстве Божества Троицу Пресвятую, Нераздельную, Несозданную, и Соприсносущную, и Единосущую.

Богородичен: Ты Бога Едина родила еси Дево преславно, Ты естество обновила еси Рождеством Твоим Марие, Ты Еву разрешила еси первородныя клятвы, Богородительнице Чистая.

Катавасия: Безумное веление мучителя / злочестиваго люди поколеба, / дышущее презрение и злохуление богомерзкое: / обаче три отроки не устраши ярость зверская, / ни огнь снедаяй, но противодышущу росоносному Духу, / со огнем суще пояху: / препетии отцев и нас Боже, благословен еси.

Песнь 8. Ирмос:

В печи отрочестей прообразил еси иногда Твою Матерь Господи, / образ же Сия из огня изымаше, / неопально входящия. / Юже поем явльшуюся Тобою концем днесь, / и превозносим во вся веки.

Иже к Богу нашего примирения, предопределенная Скиния, еже быти ныне начинает, имущи родити Слова, нам дебелиством плоти явльшася. Егоже поем, из не сущих во еже быти Тем приемшии, и превозносим во вся веки.

Неплодства преложение, мирское благих разреши неплодство, и ясно чудо Христа показа, к земным пришедша. Егоже поем, из не сущих во еже быти Тем приемшии, и превозносим во вся веки.

Ин. Ирмос:

Покрывай водами превыспренняя Своя, / полагаяй морю предел песок, / и содержи вся, Ты поет солнце, / Ты славит луна, / Тебе приносит песнь вся тварь, / яко Содетелю всех во веки.

Сотворивый преславная неплодней утробе, отверзый Анны нераждающая ложесна, и Плод ей дав, Ты Боже Святыи, Ты Сыне Девы, Ты от Сея плоть приял еси Присноцветущия Девы и Богородицы.

Затворяяй бездну, и отверзаяй ю, возносяй воду во облацех и даяй дождь, Ты давый Господи, от неплоднаго корене прозябнути Анны святая пречист Плод, и родити Богородицу.

Делателю мыслей наших и Насадителю душ наших, Ты неплодную землю благоплодну показавый, Ты древле сухую, родовиту, благокласну, бразду плодоносну соделал еси Анну святую, пречист Плод израстити Богородицу.

Приидите вси узрим, яко от чертога мала, Божий Град ныне раждаемый, иже от двери утробныя исход имущую, вход же не ведушу общения: Един Бог Зиждитель Сею пройде стезею странною.

Троицен: О Троице Пресущная, Единица Собезначальная! Ты поет и трепещет множество Ангел, небо и земля, и бездны ужасаются, человецы благословят, огонь работает, вся послушают Тебе, Троице Святая со страхом, яже в твари.

Богородичен: О новейшаго слышания: Бог, Сын Жены! О безсеменнаго Рождества! Безмужная Мати и Рожденное Бог! О ужаснаго видения! О зачатия страннаго Девы! О несказаннаго Рождества! Истинно паче ума вся, и видения.

Катавасия: Благословите отроцы, / Троицы равночисленнии, / Содетеля Отца Бога, пойте снизшедшее Слово, / и огонь в росу претворшее, / и превозносите всем жизнь Подавающаго, / Духа Всесвятаго, во веки.

На 9-й песни, Честнейшую не поем, прежде же ирмоса и тропарей, припев сей поем: Величай, душе моя, преславное Рождество Божия Матере.

Песнь 9. Ирмос:

Иже прежде Солнца Светильника Бога возсиявшего, / плотски к нам пришедшаго, из боку Девичу, / неизреченно воплотившая, / Благословенная Всечистая, / Тя Богородице величаем.

Иже непокоривым людем из камене источив воду, благопокоривым же языком дарует от чресл неплодных Плод на веселие нам Тя, Богомати Пречистая, Юже достойно величаем.

Напраснаго древняго отъятельницаю осуждения и праматере исправление: юже рода к Богу вину присвоения, к Зиждителю Мост, Тя Богородице величаем.

Другий припев Величай, душе моя, от неплодове Рождшуюся Деву Марию:

Ин. Ирмос:

Чужде матерем девство, / и странно девам деторождение: / на Тебе, Богородице, / обоя устроишася. / Тем Тя вся племена земная / непрестанно величаем.

Достойное, Богомати, Твоя чистоты Рождество наследовала еси, чрез обещание: иногда бо неплодней, Богопрозябен Плод вдалася еси: тем Тя вся племена земная непрестанно величаем.

Исполнися вопиющаго пророчество, глаголет бо: восставлю скинию падшую священнаго Давида, в Тебе Чистая прообразившуюся, Еяже ради всех человеков персть в тело создася Божие.

Пеленам покланяемся Твоим Богородице, славим Давшаго Плод прежде неплодней, и отверзшаго ложесна нераждающей преславно. Творит бо вся, елика хочет, Бог Сый Самовластен.

Яко дар Тебе, Богородице, песнопение от Анны рождшейся верно дароносим: матери Мать, девы же Деву Едину славословяще покланяемся Тебе, поем и славим.

Троицен: Чужде есть беззаконным славити Безначальную Троицу, Отца, и Сына же, и Святаго Духа, несозданное Вседержавство, Еюже мир весь содержится, манием Державы Ея.

Богородичен: Вместила еси во утробе Твоей, Дево Мати Единого от Троицы Христа Царя, Егоже поет вся тварь, и трепещут вышнии чини: Того моли, Всечистая, спаситися душам нашим.

Катавасия: Таин еси, Богородице, рай, / невозделанно возрадивший Христа, / имже Крестное живоносное на земли насадися древо. / Тем ныне возносиму, покланяющеся ему, / Тя величаем.

И другой: Снедию древа роду прибывшая смерть, / Крестом упразднися днесь: / ибо праматерняя всеродная клятва разрушися, / прозябением Чистыя Богоматере, / Юже вся силы небесныя величают.

Светилен:

От неплодныя днесь Анны Цвет произыде Богородица, вся благовония Божественнаго исполняючи концы міра, и радости всю наполняючи тварь: Юже поюще достойно восхваляем, яко сущу земнородных Превышшую. *Дважды.*

Слава, и ныне:

Адаме обновися, и Ева возвеличися, пророцы со апостолы ликуйте и праведными: общая бо радость возсия, Ангелов же и человеков, от праведных Иоакима и Анны Богородица Мариа.

На хвалитех стихиры на 4, глас 1.

Подобен: О дивнаго чудесе:

О дивнаго чудесе! / Источник Жизни от неплодныя раждается, / и благодать плодородити светло начинается, / веселися Иоакиме, / Богородицы быв родитель: / несть ин якоже ты, земнородных родителей Богоприятне: / Боговместимая бо Отроковица, / Божие Селение, Пресвятая Гора, / тобою нам даровася. *Дважды.*

О дивнаго чудесе! / От неплодове Плод возсия, / мановением всех Содетеля и Вседержителя: / доблественно мірское благих разреши неплодство. / Матери с матерью Богородичною ликуйте, зовуще: / Обрадованная, радуйся, / с Тобою Господь, / подай міру Тобою велию милость.

Столп целомудрия одушевлен, / и светлое приятелище, / блистающееся благодатию, / Анна благославная явльшися, / породе забрало воистинну девства, / Божественное Процветение: / яже всем девственным, / и девства желающим дарование, девства доброту, яве Подающую, / и Дарующую всем верным велию милость.

Слава, и ныне, глас 6. Самогласен:

Сей день Господень, радуйтесь людие: / се бо света Чертог и Книга / Слова Животнаго из утробы произыде, / и яже к востоком Дверь рождшися, / ожидает входа Святителя Великаго, / Едина и Единаго вводящи Христа во вселенную, / во спасение душ наших.

Славословие великое.

Тропарь, глас 4:

Рождество Твое Богородице Дево, / радость возвести всей вселенной: / из Тебе бо возсия Солнце Правды Христос Бог наш, / и разрушив клятву, даде благословение, / и упразднив смерть, дарова нам живот вечный.

По тропарь ектении и отпуст.

НА ЛИТУРГИИ:

Блаженни,

1. Непорочно Богу пожившии, всех родисте Спасение, Богомудрии родителе, Зиждителя рождшия и Бога нашего.
2. Всем жизнь источай Господь, от неплодове произведе Деву, в Нюже вселитися изволи, и по Рождестве сохранив нетленну.
3. Аннин плод, Марию, днесь, Грозд Рождшую живоносный, яко Богородицу воспоим, Предстательницу же всех и Помощницу.
4. Воспитавшия во Святая святых, Дево Пречистая Богородице, вышши явилася еси твари, Зиждителя плотию породдши.
5. Святую святых сущу, целомудреннии родители Твои Чистая, возложиша Тя в храме Господни воспитатися честно, и уготоватися в Матерь Ему.
6. Неплоды и матери ликуйте, держайте и играйте безчадныя: безчадна бо неплоды Богородицу прозябает, яже избавит от болезней Еву, и клятвы Адама.
7. Слышу Давида поюща Тебе: приведутся Девы во след Тебе, приведутся в храм Царев. И с ним Тя и аз, Дщерь Цареву, воспеваю.
8. Поем святое Твое Рождество, чтим и непорочное зачатие Твое, Невесто Богозванная и Дево: славят же с нами Ангелов чини, и святых души.

По входе:

Тропарь, глас 4:

Рождество Твое Богородице Дево, / радость возвести всей вселенней: / из Тебе бо возсия Солнце Правды Христос Бог наш, / и разрушив клятву, даде благословение, / и упразднив смерть, дарова нам живот вечный.

Слава, и ныне,

Кондак, глас 4:

Иоаким и Анна поношения безчадства, / и Адам и Ева от тли смертныя свободистася, / Пречистая, во святем Рождестве Твоем. / То празднуют и людие Твои, / вины прегрешений избавльшеся, / внегода звати Ти: / неплоды раждает Богородицу и Питательницу жизни нашея.

Прокимен, песнь Богородицы, глас 3:

Прокимен: Величитъ дшѣ моѣ гда, и возрадовася дхъ мой ѡ бзѣ спсѣ моѣмъ:

Стих: ѡкѡ призрѣ на смиреніе рабы своѣ: се бо, ѡннѣ ѡублажатъ мѣ вси роди:

Апостол к филипписим, зачало 240.

Братіе: Сіе во да мѣдрствѣтсѧ въ васъ, ѣже и во хрѣтѣ іисѣ: иже, во ѡбразѣ вѣи сый, не восхиченіемъ нещевѧ быти равенъ бгѸ: но себѣ оумалилъ, зракъ равѧ прїимъ, въ подобїи челоѣчестѣмъ бывъ, и ѡбразомъ ѡбрѣтсѧ ѡкоже челоѣкъ: смирилъ себѣ, послѣдїивъ бывъ даже до смѣрти, смѣрти же крѣтныѧ. **Тѣмже** и бгѸ єго превознесѣ и даровѧ ємѸ има, ѣже паче всѧкаго имене, да ѡ имени іисовѣ всѧко колѣно поклонїтсѧ нѣбныхъ и земныхъ и преисподнихъ, и всѧкъ ѧзыкъ исповѣсть, ѡакъ гдѣ іисъ хрѣтосъ въ славу бга оца.

Аллилуиа, глас 2: Воскресни, Господи, в покой Твой, Ты, и Кивот святыни Твоея.

Стих: Клятсѧ Господь Давиду истиною, и не отвержется ея.

Евангелие Луки, зачало 54.

Во время оно: Бысть же ходѧщымъ имъ, и самъ видѣ въ весь нѣкѧю: женѧ же нѣкаѧ именею марѧ прїѧтъ єго въ домъ свой: и сестра єй вѣ нарицаемаѧ марїа, ѡже и сѣдши при ногѸ іисовѣ, слышаше слово єго. **Марѧ** же мѡлваше ѡ многѣхъ слѡжѣхъ, стѧвши же речѣ: гдѣ, не врежѣши ли, ѡакъ сестра моѧ єдинѧ мѧ ѡстѧви слѡжити; рцы ѡубо єй, да ми помѡжетъ. **Ѡ**вѣщавъ же іисъ речѣ єй: марѧ, марѧ, печѣшисѧ и мѡлвнши ѡ многѣхъ, єдино же єсть на потрѣбѸ. **Марїа** же блгѡ чѧсть избрѧ, ѡже не ѡиметсѧ ѡ нѧ. **Бысть** же єгда глаше сѧ, воздвїгши нѣкаѧ женѧ гласъ Ѡ народа, речѣ ємѸ: блжено чрево носившее тѧ, и сосца, ѡже єси сѧла. **Онъ** же речѣ: тѣмже ѡубо блжени слышѧщїи слово вѣїе и хранѧщїи є.

Вместо Достойно, поем ирмос:

Величай, душе моя, преславное Рождество Божия Матере.

Иже прежде Солнца Светильника Бога возсиявшаго, / плотски к нам пришедшаго, из боку Девичу, / неизреченно воплотившая, / Благословенная Всечистая, / Тя Богородице величаем.

Причастен: ЧѧшѸ спнѧл прїимѸ и има гдѣне призовѸ:

На трапезе утешение братии. Аще ли будет праздник сей в среду или в пяток: разрешаем точно на рыбу и вино. Аще ли в понедельник: мїряне разрешают на мясо, и сыры и яица: Монаси же точно на рыбу и вино.